

# Kiwanisklúbburinn Elliði 50 ára

Breiðholtsblaðið Fimmtudagurinn 27 október 2022 10. tbl. 29. árg

## Kiwanisklúbburinn Elliði 50 ára 23. október 2022

- Heildarstyrkur á þessum 50 árum eru 60 milljónir

**K**iwanisklúbburinn Elliði varð 50 ára 23. október síðastliðinn. Stofnun klúbbsins má rekja aftur til haustmánaða árið 1972. Þegar dreift var bréfum til manna í Breiðholtsverfi og þeim boðið að koma á fund þar sem stofna skyldi Kiwanisklúbb sem tilheyrði Breiðholtsverfinu.

Það kemur fram í samantekt Grétars heitins Hannessonar sem hann tók saman fyrir 40 ára afmælið 2012 að þegar fundarboð voru send út hafi verið notast við kjörskrá úr nýafstöðnum prestkosningum sem fram höfðu farið skömmu áður í hverfinu. Til fundarins var boðað á skemmtistaðnum Glæsibæ. Á þennan fund mættu fjöldi ungra manna úr hverfinu og eins og segir í samantekt Grétars þá voru 38 manns tilbúnir að láta Kiwanisklúbbsinn Elliða verða að veruleika. Stofnfundur var svo haldinn 23 október 1972. Móðurklúbbur klúbbsins er Kiwanisklúbburinn Hekla í Reykjavík elsti kiwanisklúbbur landsins og byggingarnefnd sem svo var kölluð var skipuð þeim Eyjólf Sigurðssyni, Ásgeiri B. Guðlaugssyni og Erni Egilssyni sem var fyrsti forseti klúbbsins og var það í tvö ár. Það segir í samantekt Grétars að þrátt fyrir að þessir ungu menn, þar sem meðalaldurinn var 27 á, væru fúsir til að koma að stofnun klúbbsins urðu þeir líka að sjá sér og sínum farborða en margir þeirra stóðu í húsbýggingum, en tóku þrátt fyrir það fullan þátt í starfi Elliða sem var keyrður af fullum krafti af dugmiklum forseta. En allir höfðu gaman af þessu. Á þessum árum funduðum við í Glæsibæ og þá voru fundarslit ekki klukkan 22.00 eins og nú, heldur kl. 23.00 til 23.30 og kvartaði enginn enda var þetta svo gaman. Mestur fjöldi Elliðafélaga var 1973 48 félagar, en í dag eru félagar 16.

Ýmislegt hefur verið brallað á þessum 50 árum. Fjáraflanir voru í upphafi m.a. jólatréssala, pökkun og sala á sælgæti og útgáfa söngbókar til styrktar BUGL Haldin hafa verið Herrakvöld með villibráð. Klúbburinn keypti hús á Grensásvegi 8 árið 1997 þar sem við höldum okkar fundi en þar fóru einnig fram dekkjaskipti fyrir félagar og vini til fjóröflunar áður en við höfum formlega fundi í húsinu. Húsið var selt fyrir þremur árum þar sem of dyrt var orðið að reka það vegna fækkunar félaga.

Styrktarverkefni hafa verið af ýmsum toga, meðal annars BUGL, Íþróttafélagið ÖSP sem við höfum styrkt með verðlaunagripum og fleiru, Krabbameinsfélagið, Barnaspítali Hringins, Pietasamtökin, Alshemiersamtökin, Parkinsonsamtökin, Mottumars Blái naglinn, Umhyggja félag til styrktar langveikum börnum og fleira mætti nefna auk hinna ýmsu einstaklinga. Þá höfum við gefið á hverju ári bókagjafir til þeirra sem hafa verið með bestan árangur í íslensku í skólunum í Breiðholti. Við höfum einnig tekið mikinn þátt í fjárföllum í umdæminu eins og K-deginum, hjálmarverkinu þar sem fyrstu bekkjarar í grunnskólunum (það er 6 ára börn) fá hjólahjálma og þau þá yfirleitt vakið mikla lukku hjá börnunum. Við gáfum einnig ásamt fleiri klúbbum hjartastuðtekki til Landhelgisgæslunnar.



Frá afhendingu fyrsta styrks klúbbsins til Pietasamtakanna árið 2017. Á myndinni eru Guðni Th Jóhannesson forseti Íslands sem er verndari samtakanna, Sæmundur H. Sæmundsson þáver. forseti klúbbsins, Björk Jónsdóttir þáver. form. Pietasamtakanna og Sigríður Arnardóttir sem var markaðsstjóri samtakanna.



Tveir af upphafsmönnum klúbbsins Sigmundur Smári Stefánsson og Sæmundur H. Sæmundsson ásamt forseta klúbbsins Skæringi M. Baldurssyni.



Frá afhendingu styrkja 2019 til Parkinsonsamtakanna sem Ágústa Andersen varaformaður tók við og hinsvegar til Alzheimersamtakanna sem Vilborg Gunnarsdóttir framkvæmdastjóri tók við en með þeim á myndinni eru Sveinn Heiðar Gunnarsson þáver. forseti og formaður styrktarnefndar Lúðvík Leósson.



Pétur Emilsson afhendir Einarri Guttormssyni gjaldkera Parkinsonsamtakanna gjafabréf árið 2021.



Afhending gjafar til Mariuhúss árið 2016 Lúðvík Leósson, Sæmundur H Sæmundsson og Vilhjálmur J. Guðbjartsson sem nú er látinn, ásamt forstöðukonu Mariuhúss Ólínu Kristínu Jónsdóttur.

Gönguklúbbur hefur verið starfræktur innan klúbbsins í 30 ár og fram að Covid var alltaf hist á sunnudagsmorgnum einu sinni í viku hvernig sem viðraði heima hjá einhverjum félaganna og gengið þaðan í svona klukkutíma og svo í kaffi á efir.

Elliðafélagar hafa tekið ríkan þátt í yfirstjórn Íslensku Kiwanisumdæmisins og þar höfum við átt 6 umdæmisstjóra, umdæmisfóðir, umdæmisritara og 7 svæðisstjóra.

Elliði hefur verið í þremur svæðum sem svo eru nefnd og eru þau eftirfarandi: Eddusvæði frá 1972, Þórsvæði frá 1978 og Freyjusvæði frá 2011.

Elliði hefur staðið að stofnun fjögurra klúbba; Kiwanisklúbbsins

Jörfa í Árbe 15 apríl 1975. Kiwanisklúbbsins Vífls í Seljahverfi 23. nóvember 1981 Kiwanisklúbbsins Höfða í Grafarvogi 1990 og Kiwanisklúbbsins Dyngjunnar í Reykjavík 2012 þar sem eingöngu eru konur.

Við höfum farið í sumarferðir (fjölskylduferðir) innanlands og ferðir erlendis í sambandi við Kiwanisþing í Evrópu og Bandaríkjunum. Eiginkonur klúbbsfélaga hafa á öllum þessum árum tekið virkan þátt í starfi okkar og án þeirra hefðum við ekki komið því í gegn sem við höfum þó gert. Og það ber að þakka.

Í dag eru tveir stofnfélagar í Elliða ennþá starfandi þeir Sigmundur Smári Stefánsson og Sæmundur H. Sæmundsson.



Frá afhendingu gjafabréfs klúbbsins til Pietasamtakanna á afmælisfundinum sem haldin var síðastliðið laugardagskvöld. Styrkurinn hljóðaði uppá einamilljón króna. Á myndinni eru forseti klúbbsins, Skæringur M. Baldursson, Benedikt Þór Guðmundsson stjórnarmaður í Piötum og einn af stofnendum samtakanna, formaður styrktarnefndar Sigmundur Smári Stefánsson og formaður afmælisnefndarinnar Sæmundur H. Sæmundsson.

Myndirnar tók Örn Ingvarsson.

Núverandi forseti klúbbsins er Skæringur M. Baldursson.

Klúbburinn veitti í tilefni afmælisins Pietasamtökunum 1 milljón króna styrk. Á hátíðarfundinum sem haldin var sl. laugardag 22. október.

Því miður hefur okkur í Kiwanis-hreyfingunni fækkað töluvert frá því Elliði var stofnaður og því þurftum við að bretta upp ermar og gera gangskör í því að fá bæði unga menn og konur til liðs við okkur því Kiwanis er góð hreyfing sem styrkir góð málfeiti.